

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), a u vezi sa članom 14., tač. c), e) i j) Zakona o nadzoru nad tržištem u Bosni i Hercegovini ("Službeni glasnik BiH", broj 45/04) i članom 3. Zakona o općoj sigurnosti proizvoda ("Službeni glasnik BiH", broj 45/04), Vijeće ministara Bosne i Hercegovine, na 108. sjednici održanoj 10. decembra 2009. godine, donijelo je

ODLUKU

O ZABRANI STAVLJANJA NA TRŽIŠTE POTROŠAČKIH PROIZVODA KOJI SADRŽE BIOCID DIMETILFUMARAT

Član 1. (Predmet)

Ovom Odlukom se propisuje zabrana stavljanja na tržište ili činjenje dostupnim na tržištu Bosne i Hercegovine proizvoda koji sadrže biocid dimetilfumarat (u daljnjem tekstu: DMF), mjere koje poduzimaju inspekcijски organi Federacije Bosne i Hercegovine, Republike Srpske i Brčko Distrikta Bosne i Hercegovine (u daljnjem tekstu: nadležni inspekcijски organi) i kaznene odredbe u svrhu primjene ove Odluke.

Član 2. (Definicije)

Pojmovi koji se upotrebljavaju u ovoj Odluci imaju slijedeće značenje:

- a) "DMF" je hemijski dimetilfumarat, čiji je naziv prema IUPAC-u Dimetil (E)-butendioat, CAS broj 624-49-7 i EINECS broj 210-849-0;
- b) "proizvod" je svaki neprehrambeni proizvod koji je namijenjen potrošačima ili koji bi u razumno predvidljivim uvjetima mogao biti upotrijebljen od potrošača čak i ako im nije direktno namijenjen, a koji je isporučen ili učinjen dostupnim, uz plaćanje ili besplatno u okviru trgovinske djelatnosti, uključujući i proizvod isporučen ili učinjen dostupnim u okviru pružanja usluga, bez obzira na to da li je nov, upotrijebljen ili prepravljen;
- c) "proizvod koji sadrži DMF" je svaki proizvod ili dio proizvoda, koji dolazi u kontakt sa kožom potrošača, ukoliko je:
 - 1) postojanje DMF-a deklarirano, npr. na jednoj ili više kesica, ili
 - 2) koncentracija DMF-a veća od 0,1 mg/kg mase proizvoda ili dijela proizvoda;
- d) "stavljanje na tržište" je prvo činjenje proizvoda dostupnim na tržištu Bosne i Hercegovine;
- e) "činjenje dostupnim na tržištu" je isporuka proizvoda za distribuciju, potrošnju ili upotrebu na tržištu Bosne i Hercegovine u okviru trgovinske djelatnosti, uz plaćanje ili besplatno.

Član 3. (Prijelazni period)

U roku od 2 mjeseca od dana stupanja na snagu ove Odluke, uvoznici, proizvođači i distributeri ili njihovi ovlaštani predstavnici su obavezni da sa tržišta povuku proizvode koji

sadrže DMF koje su već stavili na tržište, te da od potrošača izvrše povrat proizvoda koji sadrže DMF.

Član 4.
(Primjena)

(1) Po isteku prijelaznog perioda iz člana 3. ove Odluke, zabranjuje se stavljanje na tržište ili činjenje dostupnim na tržištu proizvoda koji sadrže DMF.

(2) Po isteku prijelaznog perioda iz člana 3. ove Odluke, nadležni inspekcijski organi nalažu sljedeće mjere:

- a) povlačenje sa tržišta proizvoda koji sadrže DMF, koji su stavljeni na tržište ili učinjeni dostupnim na tržištu,
- b) povrat od potrošača proizvoda koji sadrže DMF,
- c) informisanje potrošača o ovom riziku na primjeren način.

Član 5.
(Kaznene odredbe)

(1) Novčanom kaznom od 5 000 KM do 25 000 KM kaznit će se za prekršaj pravna osoba ako suprotno članu 4. ove Odluke stavi na tržište ili čini dostupnim na tržištu proizvode koji sadrže DMF.

(2) Novčanom kaznom od 1 500 KM do 10 000 KM kaznit će se fizička osoba i/ili poduzetnik za prekršaje iz stava (1) ovog člana.

(3) Novčanom kaznom od 500 KM do 2 000 KM kaznit će se odgovorna osoba pravne osobe za prekršaje iz stava (1) ovog člana.

Član 6.
(Stupanje na snagu)

Ova Odluka stupa na snagu osmog dana od dana objavljivanja u "Službenom glasniku BiH".

VM broj 307/09
10. decembra 2009. godine
Sarajevo

Predsjedavajući
Vijeća ministara BiH
Dr. **Nikola Špirić**, s. r.
